



# ՄԱՆԿԱԿԱՐԺԱԿԱՆ ՀԱՄԱԼՍԱՐԱՆ

19 ՀՈՒՆԻՍԻ  
2023 թ.  
№ 8 (1106)

Թերթի առաջին համարը լույս է տեսել 1965 թ. մարտի 11-ին  
Երկշաբաթաթերթ • Իրատարակման 57-րդ տարի

ԽԱՂԱՏՈՒՐ ԱՐԻՎՅԱԼԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱԿԱՐԺԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐԹ



ցարկված նմուշները վերաբերում էին նախաքրիստոնեական շրջանից մինչև մեր օրերը պարերի մասին վկայություններ պարունակող ցուցանմուշներ՝ քարե ժայռապատկերներ, որոնց վրա տեսանելի են պարային շարժումներով մարդիկ, հայկական պարի ուսումնասիրության առանցքային ուղղություն համարվող և առանձին նշակույթ հանդիսացող հանդերձանք՝ տարազներ, պարի մասին տեղեկություններ պարունակող ձեռագիր ավետարաններ, Նոր կտակարան և այլն:

Թանգարանն իր արժեքավոր նշանակությամբ խորհրդանշում է հայ պարի ընթացքն ու նվաճումները:

Համալսարանի ռեկտոր Սրբուհի Գևորգյանը ողջունեց բոլորին նախաձեռնության իրականացման կապակցությամբ՝ փաստելով. «Ստեղծվել է մի սոցիալական միջավայր, որտեղ ուսանողը կրթության մասնագիտական բաղադրիչի հետ մեկտեղ

հնարավորություն ունի պատմամշակութային հետազոտական հմտությունները զարգացնելու լուրջ մասնագետների և այն տիրույթի մասնագիտական շրջանակներում, որը կրկնակի նպաստելու է անձնային և մասնագիտական որակների զարգացմանը»:

Ռեկտորը նկատեց՝ հայ պարը հայ ժողովրդի անցյալի լավագույն ապացույցն է, իսկ այստեղ ստեղծված սոցիալական միջավայրը այն լավագույնն է, որ համալսարանը կարող է անել իր ուսանողների համար:

Սրբուհի Գևորգյանը պարային բաժնի ուսանողներին մաղթեց՝ նոր որակով ու նոր ոգեշնչումով ներկայացնեն իրենց պարային տիրույթի ձեռքբերումները:

ԿԳՄՍ նախարար ժամնա Անդրեասյանը խոսեց թանգարանների մասին որպես կրթական-մշակութային տարածքների:

րի, նկատելով, որ սա մի հնարավորություն է և մի տեղ, որտեղ կարող են մեկտեղվել կրթությունը, հետազոտման մասնագիտական և գիտական գործունեությունը:

Նախարարն անդրադարձավ թանգարանում կրթության ու մշակույթի միասնությանը, խոսեց նաև գեղարվեստական կրթության մասին՝ որպես նրա բաղադրիչ, այն անվանելով «հանրային կրթություն, առանց որի չենք կարող ունենալ ստեղծագործող, նախաձեռնող քաղաքացիներ, որովհետև ստեղծագործությունն է մեզ մղում՝ հաղթահարելու դժվարությունները: Պարն է, որ ցույց է տալիս՝ ինչպես կարելի է մարմնակրթությունը դարձնել արվեստ: Այս առումով պարի թանգարանը ստեղծել է մի յուրահատուկ միջավայր՝ նորանոր ծրագրերի և մակարդակների համար»:

Պրոֆեսոր Ամատունի Վիրաբյանն ասաց. «Պարը ստեղծվել է այն պահից, երբ հանդես է եկել բանական մարդը, ապա անցել է հազարամյակներ»:

Պրոֆեսորը խոսեց մեզանում պարավեստի զարգացմանը 20-րդ դարում, ապա կարևորեց նորաստեղծ թանգարանի նշանակությունը՝ հայ պարավեստի մվիրյալների և ուսանողների մաղթելով հաջողություն:

Պրոֆեսոր Աշոտ Փիլիպոսյանն անդրադարձավ հայ ժողովրդի պատմամշակութային ձեռքբերումներին՝ այդ համատեքստում ընդգծելով պարի պատմության թանգարանի առաքելությունը:

«Մենք այսօր ստեղծեցինք մի թանգարան, որն իր գործնական և կիրառական նշանակությամբ կայուն դաշտ է ստեղծելու նոր սերնդի համար՝ հնարավորություն տալով ուսումնասիրելու ժայռապատկերներից մինչև մերօրյա պարավեստն ընկած երեք-հազարամյա զարգացման ճանապարհը», - ասաց պրոֆեսոր Կարեն Գևորգյանը:

Ներկաները դիտեցին պարային բաժնի ուսանողների հետաքրքիր կատարումները՝ ընթրոշխնելով հայկական պարի գեղեցիկ ռիթմերն ու պարզևս զգացողությունները:

Սիլվա ԱՍՐՅԱՆ

## Պարավեստի պատմության բացառիկ թանգարան՝ Մանկավարժականում

«Պարն արտահայտում է յուրաքանչյուր ազգի բնորոշ գծերը, մանավանդ բարքն ու քաղաքակրթության աստիճանը», - ասել է Կոմիտասը:

Մանկավարժական համալսարանի Պարավեստի պատմության թանգարանն այլևս իրողություն է: Իր տեսակով այն բացառիկ երևույթ է Հայաստանի պատմության մեջ:

Թանգարանը բացվեց ՀՊՄՀ Պարավեստի պատմության ամբիոնի վարիչ, պրոֆեսոր, ՀՀ մշակույթի վաստակավոր գործիչ Կարեն Գևորգյանի նախաձեռնությամբ և բուհի ղեկավարության աջակցությամբ:

Հունիսի 15-ին Կուլտուրայի ֆակուլտետում հանդիսավորությամբ թանգարանի բացման ժամավեցնը կտրեցին ԿԳՄՍ նախարար, համալսարանի խորհրդի նախագահ ժամնա Անդրեասյանը և ՀՊՄՀ ռեկտոր Սրբուհի Գևորգյանը:


Պարավեստի մանկավարժության ամբիոնի սրահում ցու-





- Տիկին Սաֆարյան, ավարտվեց 2022-2023 ուստարվա բակալավրիատի և մագիստրատուրայի ամփոփիչ ատեստավորման քննությունները: Ինչպե՞ս կգնահատեիք գործընթացը:

- Այս տարի բակալավրիատի 35 մասնագիտություններով առկա ուսուցման համակարգում ավարտեց 598, իսկ մագիստրատուրայի առկա ուսուցման համակարգի 53 մասնագիտություններով՝ 232 ուսանող, իսկ բակալավրիատի հեռակա ուսուցման համակարգում՝ 478, մագիստրատուրայի հեռակա ուսուցման համակարգում՝ 88 շրջանավարտ: Ցանկանում եմ նշել, որ ընդհանուր առմամբ, քննաշրջանն անցել է հարթ, ուսանողակները մթնոլորտում, ունեցել ենք մի քանի բողոքարկումներ, որոնք հիմնականում ստացած արդյունքի լրացուցիչ



յուն: Նրանք կարողանում են արծազանքել յուրաքանչյուր երեխայի անհատական կարիքներին, ստեղծել աջակցող և ապահով միջավայր ուսումնական գործընթացում:

**-մասնագիտական բարձր պատասխանատվություն.** Մանկավարժական համալսարանի շրջանավարտները գիտակցում են իրենց դերի կարևորությունը երեխաների անհատականության ձևավորման գործում: Նրանք ունակ են ապահովել որակյալ կրթություն, պահպանել էթիկական սկզբունքները:

**-հաղորդակցման հմտություններ.** Մանկավարժական համալսարանի շրջանավարտներն ունեն հաղորդակցման գերազանց հմտություններ, ինչը թույլ է տալիս արդյունավետ շփվել երեխաների, նրանց ծնողների, գործընկեր-

ման հաղորդակցման, ներակայացման խնդիրներ, սակայն, դրանք այնքան եզակի դեպքեր էին, որ ամբողջի մեջ գրեթե չէին հիշվում: Իսկ կոնկրետ ինձ համար, որպես ուսումնական աշխատանքների գծով պրոռեկտորի, այս գործընթացը տվեց հնարավորություն ներսից դիտարկելու բացերը՝ դրանք հետագայում շտկելու համար: Ամփոփելով նշեմ, որ վերհանված խնդիրները շատ անհատական էին և կախված կոնկրետ աշխատանքից: Այնուամենայնիվ, կարծում եմ, որ ճիշտ մախապատրաստման, հետադարձ կապի և ղեկավարների հետ խորհրդակցելու դեպքում այս խնդիրներից շատերը կարող էին մալ չլինել:

**- Ի՞նչ է քննությունը կամ քննաշրջանը ուսանողի և դասախոսի համար:**  
- Գիտեք, այս հարցի պատասխանը

# «Մեր գործը շարունակական է, մեր առաքելությունը՝ նվիրական, իսկ մեր նպատակները՝ ապնիվ ու առաջանցիկ», -

ասում է ՀՊՄՀ պրոռեկտոր Նաիրա Սաֆարյանը

մեկնաբանություններին էին վերաբերում, ինչը կանոնակարգով նույնպես սահմանված է: Ընդհանուր տպավորությունը դրական էր, սակայն նկատել ենք մալ որոշ բացթողումներ, որոնք նախանշվել են՝ մեր կողմից հետագայում դրանք վերանայելու համար: Նշեմ մալ, որ այս տարվա շրջանավարտների ուսումնառությունն ընթացավ բարձր ժամանակահատվածում՝ համավարակ, պատերազմ, ինչն անտարակույս, իր հետքը թողել է մեր շրջանավարտների կյանքում:

**- Արդյո՞ք ուսանողների ստացած միավորներն ուղիղ համեմատական են նրանց գիտելիքներին:**

- Գիտեք, կղժվարանամ հիմա միանշանակ պնդել Ձեր ասածը, սակայն 100 միավորանոց սանդղակը, որը կիրառվում է մեր բուհում, հնարավորություն է տալիս տարբերակված մոտեցում ցուցաբերել յուրաքանչյուր շրջանավարտին: Ունեցանք ամենատարբեր արդյունքներ՝ նվազագույնից մինչև առավելագույն, նվազագույն պատրաստվածից մինչև ամենալավագույն պատրաստվածներ: Ուրախալի է հենց այն փաստը, որ այսօր ունենք բազմաթիվ գերազանց պատրաստված շրջանավարտներ, ովքեր արդեն պատրաստ են մտնել դպրոց և կրել ուսուցչի ամենաբարձր կոչումը:

**- Ասում են՝ թվերի հետևում երևույթներ են... Ի՞նչ իրողություններ բացահայտեցիք թվային վիճակագրությունից:**

- Ինչպես արդեն նշեցի, այս տարի մանկավարժական մայր բուհն ունեցավ

ավելի քան 1396 շրջանավարտ առկա և հեռակա ուսուցման բոլոր ձևերում: Ինչ խոսք, թվերը խոսում են, առավել ևս այն պարագայում, որ շրջանավարտների մի զգալի մասը բուհն ավարտեց բարձր առաջադիմությամբ: Սակայն այդ թվերն առավել խոսում կլինեն այն պարագայում, երբ 1396 շրջանավարտի գերակշիռ մասը մալ իր առաքելությանը հավատարիմ՝ մուտք գործի կրթական համակարգ: Այստեղ է, որ մենք մանկավարժական հասարակության ներկայացուցիչներս, մեծ անելիքներ ունենք դեռևս հասարակության մեջ բարձրացնելու մանկավարժի իմիջը:

**- Ինչպիսի՞ն է Մանկավարժական համալսարանն ավարտող շրջանավարտը. որակական ի՞նչ բնութագիր կտաք մեծամասնությանը:**

-Շատ հետաքրքիր հարց է բարձրացնում, փորձեմ բնութագրել այսօրվա մեր շրջանավարտին:

**-պրոֆեսիոնալիզմ.** Մանկավարժական համալսարանի շրջանավարտներն ունեն մասնագիտական բարձր մակարդակ: Նրանք ստանում են մասնագիտական խորը և համակողմանի կրթություն, տիրապետում են մանկավարժական գիտության տեսական և գործնական հմտություններին՝ ապագա սերունդներին արդյունավետ կրթություն և դաստիարակություն տալու համար:

**-կարեկցանք և փոխընթերցում.** Մանկավարժական համալսարանի շրջանավարտներն այսօր ցուցաբերում են բարձր պատրաստակամություն ունենալով դիմացիմի կարիքները և հուզական վիճակը հասկանալու կարողութ-

ներ և ուսումնական գործընթացի այլ մասնակիցների հետ: Նրանք ունակ են բացատրել բարդ հասկացությունները և կառուցողական երկխոսություն վարել: Տեխնոլոգիապես զինված են ու նորարար:

**-շարունակական զարգացում.** Մանկավարժական համալսարանի այսօրվա շրջանավարտները ձգտում են շարունակական զարգացման՝ որպես մասնագետներ: Նրանք պատրաստ են սովորել նոր մեթոդներ, կիրառել նորարարական մոտեցումներ կրթական պրակտիկայում և մշտապես կատարելագործել իրենց հմտությունները մասնագիտական ուսուցման և ինքնակրթության միջոցով:

Ընդհանուր առմամբ, այսօրվա մեր սերնդին կարելի է բնութագրել որպես բարձր որակավորում ունեցող, կարեկցող, պատասխանատու և տեխնոլոգիապես զինված մասնագետներ, ովքեր ձգտում են շարունակական մասնագիտական զարգացման, առաջխաղացման և նոր նվաճումների:

**- Ի՞նչ խնդիրներ բացահայտվեցին ավարտական թեզերի պաշտպանության ընթացքում: Դրանք լուծելի՞ են:**

- Իհարկե, ամեն բան էլ լուծելի է, եթե կա կամք, եթե առկա է հստակ ձևակերպված նպատակ ու առաջադրված են նպատակիմ հասնելու ուղիները, ինչն այսօր ակներև է մեր բուհի ղեկավարության և պրոֆեսորադասախոսական անձնակազմի մոտ: Մտահոգություն առաջացրիմ որոշ աշխատանքներ, որոնց դեպքում շրջանավարտը ոչ լիարժեք էր պատրաստված, երբեմն էլ լինում էիմ

շատ դժվար է, քանի որ «մեղակն» ունի երկու կողմ. ուսանողի համար քննությունը մի իրավիճակ է, երբ մալ պետք է առավելագույնս ցուցադրի իր գիտելիքները և ստացած տեղեկատվությունն ու հմտությունները կիրառելու կարողությունը: Դասախոսի համար քննությունը ուսանողների գիտելիքները ստուգելու և գնահատելու միջոց է, ուսանողիմ նորովի բացահայտելու ևս մեկ հնարավորություն: Երկու կողմերի համար էլ այս գործընթացը կարևորագույն և պատասխանատու իրադարձություն է և հորդոր է կրթական գործընթացի բոլոր մասնակիցներին՝ վերաբերվել քննական գործընթացիմ առավելագույն պատասխանատվությամբ. չէ՞ որ ուսանողի առաջադիմության հիմնական ցուցիչը թվային տեսքով ձևավորվում է հենց քննաշրջանում:

**- Ուրիշ ինչի՞ մասիմ կուզեիք խոսել:**

- Կուզեմայի ևս մեկ անգամ շնորհավորել մեր բոլոր շրջանավարտներին իրենց կյանքի կարևորագույն շրջափուլի ավարտի կապակցությամբ: Լիառույս եմ, որ նրանցից շատերիմ հետագայում կհանդիպեմ մեր կրթական համակարգում: Գիտեք, ամեն անգամ, երբ հանդիպում եմ մեր շրջանավարտին, մի տեսակ հպարտության զգացողություն է առաջանում, որ մեր գործը շարունակական է, մեր առաքելությունը՝ նվիրական, իսկ մեր նպատակները՝ ազնիվ ու առաջանցիկ:

**Հարցազրույցը՝ Սիլվա ԱՄՅԱՆԻ**





# Երկօրյա համաժողով

Երևանում անցկացվեց «Գիտության, կրթության և արտադրության ինտեգրումը՝ տնտեսության արդիականացման շարժիչ ուժ» հայ-ռուսական գիտակրթական երկօրյա համաժողովը: Ֆորումի ընթացքում քննարկվեցին հայ-ռուսական համագործակցության ընդլայնմանը, բարձրագույն և հետբուհական կրթության ոլորտում երկու երկրների առաջատար հաստատությունների միջև հաջողված փորձի փոխանակմանը, ինչպես նաև գիտության բնագավառում համատեղ ծրագրերի իրականացմանը վերաբերող մի շարք հարցեր:



Ֆորումին մասնակցում էր 200 պատվիրակ, այդ թվում նաև՝ ռուսական բուհերի ղեկավարներ, նրանք հայաստանյան մի քանի բուհերի հետ ստորագրեցին համագործակցության հուշագրեր:

Այդ շրջանակներում համագործակցության հնգամյա հուշագիր ստորագրվեց Մանկավարժական համալսարանի և ՌԴ Արմավիրի պետական մանկավարժական համալսարանի միջև: Հուշագիրը ստորագրեցին մանկավարժական բուհերի ղեկավարներ Սրբուհի Գևորգյանն ու Եվգենի Նիժնիկը:

Հուշագրի համաձայն՝ կիրականացվեն մի շարք ծրագրեր, միջոցառումներ, մասնավորապես՝ ուսանողների և դասախոսների փոխանակում, մասնագիտական պրակտիկայի կազմակերպում, վերապատրաստումներ: Հայ և ռուս գործընկերները կկազմեն նաև համատեղ կրթական ծրագրեր, կիրականացնեն գիտահետազոտական նախագծեր, գիտական աշխատանքներ, ինչպես նաև երկուստեք կմասնակցեն գիտական և գիտամեթոդական սեմինարների, կոնֆերանսների, սիմպոզիումների:

Մանկավարժական բուհերի ղեկավարներ Սրբուհի Գևորգյանը և Եվգենի Նիժնիկը հույս հայտնեցին, որ համագործակցության հուշագիրը երկուստեք կլինի արդյունավետ և փոխշահավետ՝ ի նպաստ մանկավարժական բարձրագույն կրթության և գիտության զարգացման:

Քրիստինե ՄԵԼՈՆՅԱՆ

# Աշխատանքային այց Չեխիա

Հունիսի 5-9-ը ՀԱՊՄ Հատուկ և ներառական կրթության ֆակուլտետի դասախոսական պատվիրակությունը աշխատանքային այցով Չեխիայի Պարդուբիցե համալսարանում էր: Այցի ընթացքում իրականացվել են ներառական կրթության ոլորտի բարելամանն ուղղված համատեղ աշխատանքներ, վերանայվել են կրթական ծրագրերը, քննարկվել հետազոտական աշխատանքները, տարբեր այցելություններ իրականացվել:

Կրթական երկու կառույցների համագործակցության շրջանակներում հրատարակման է պատրաստ Հայաստանի և Չեխիայի ներառական կրթության համեմատության վերաբերյալ պարբերականը, որտեղ ներկայացված են այդ ոլորտում երկու երկրների օրենսդրական կարգավորումները, գործնական ոլորտի առանձնահատկությունները, ինչպես նաև առաջատար մասնագետների փորձը:



Այցի ընթացքում պայմանավորվածություն է ձեռք բերվել աշխատանքի հաջորդ փուլի վերաբերյալ: Նախատեսվում է համագործակցության առավել մեղմ ուղղվածություն, մասնավորապես՝ սեպտեմբերին սպասվում է Պարդուբիցեի համալսարանի մասնագետների այցելությունը ՀԱՊՄ, որի ընթացքում հատուկ կարիքներով երեխաների ընտանիքների հետ աշխատանքներ կիրականացվեն կրթական, սոցիալական ոլորտում, որոնց արդյունքները տեղ կգտնեն հաջորդ գիտական աշխատության մեջ:

Ի դեպ, Չեխիայի Պարդուբիցեի համալսարան այցելած պատվիրակության կազմում էր նաև ՀՀ ԿԳՄՍ փոխնախարար, ՀԱՊՄ Հատուկ մանկավարժության և հոգեբանության ամբիոնի դոցենտ Արաքսիա Սվաջյանը: Նա առավել ընդգրկվում են կայացրեց ոլորտի խնդիրների, հնարավոր լուծումների վերաբերյալ տեսակետներ, որոնք առաջադրվել էին Հայաստանի Հանրապետությունում համընդհանուր ներառական կրթության քաղաքականության համատեքստում:

Մարին ԱՂԵԿՅԱՆ



# Ֆակուլտետի այցը Մանկավարժական

Մայիսի 29-ից հունիսի 2-ը Երզնու+ ծրագրով Մանկավարժական համալսարանում հյուրընկալել էին Լեհաստանի Վրոցլավի համալսարանի Եվրոպական կրթության ֆակուլտետի դոկտոր Յակուբ Բոռնիոյին:

Դոկտոր Յակուբ Բոռնիոն ամվտանգային հարցերի մասնագետ է, նա Պատմության և հասարակագիտության ֆակուլտետում հանդես եկավ «Հարավային Կովկասը Լեհաստանի՝ արևելյան քաղաքականության մեջ» թեմայով դասախոսությամբ:

Նա խոսեց Լեհաստանի և նրա որդեգրած հիմնական սկզբունքների մասին՝ Եվրամիության արտաքին քաղաքականության համատեքստում ամերադառնալով ամվտանգային հարցերին, հայ-լեհական դարավոր կապերին:

Դոկտոր Յակուբ Բոռնիոն առաջին անգամ է Հայաստանում, բայց հասցրել է սիրելի հայ մշակույթն ու հիացել հայկական հյուրընկալությամբ, դասախոսական կազմի հետ հանդիպումների ընթացքում փորձում է ծանոթանալ մեր երկրի պատմությանը, նաև ընդգծում երկու ժողովուրդների ընդհանրությունները:

Դեկան Էդգար Հովհաննիսյանը կարևորեց լեհ դոկտորի այցը, որը նաև հանդիպեց դասախոսական կազմի հետ և քննարկեց Եվրամիության, արտաքին քաղաքականության, տարածաշրջանի, էթնիկ կոնֆլիկտների վերաբերյալ հարցեր:

# Մանկավարժական համալսարանում հյուրընկալեցին Արմավիրի պետական մանկավարժական համալսարանի պատվիրակությանը



Մանկավարժական համալսարանում հունիսի 15-ին հյուրընկալեցին Արմավիրի պետական մանկավարժական համալսարանի պատվիրակությանը՝ բուհի Գիտահետազոտական և նորարարական գործունեության գծով պրոռեկտոր Վետրով Յուրի Պավլովիչին, Նախագծային գրասենյակի ղեկավար Գաբիսոլ Ալան Գեորգիչին, Պատմության ամբիոնի վարիչ Գրիգորի Իգոր Վադիմիլովիչին և Ռուսաց լեզվի ամբիոնի վարիչ Նիկոլայիկոլա Յանա Անատոլիչին:

Պատվիրակությանը ընդունեց ՀԱՊՄ Աշխատակազմի և միջազգային համագործակցության գծով պրոռեկտոր Մարիաննա Հարությունյանը: Հանդիպմանը մասնակցում էին ՀԱՊՄ Ուսումնագիտական աշխատանքների պրոռեկտոր Մարիամ Իսախյանը և Պատմության և հասարակագիտության ֆակուլտետի ղեկան Էդգար Հովհաննիսյանը:

Պատվիրակության անդամները հանգամանորեն ներկայացրին իրենց համալսարանի ուղղվածությունը, մասնագիտությունները, հաջողություններն ու ձեռքբերումները, նաև հանդես եկան որոշ ուղղություններով համագործակցելու առաջարկություններով՝ մանկավարժահոգեբանական մասնագիտությունների գծով ապագա մանկավարժների պատրաստման, երիտասարդ դասախոսների վերապատրաստման, հիմնական կրթական ծրագրերի մեջ ապագա մանկավարժների ինքնակրթությանն ու ինքնազարգացմանը նպաստող հատուկ դասընթացների և նախագծերի ներդրման, մագիստրոսական կրթական համակարգում ուսանողների փոխանակմանն ու դիպլոմների փոխճանաչման, ուսանողների գիտական աշխատանքների, համատեղ հետազոտության

յունների ու պրակտիկաների կազմակերպման, բանավեճի միջազգային ակունքին մասնակցության, ռուսաստանյան համալսարանում հայագիտության ամբիոնի բացման և այլ հարցերի շուրջ:

Արմավիրի պետական մանկավարժական համալսարանի Գիտահետազոտական և նորարարական գործունեության գծով պրոռեկտոր Վետրով Յուրի Պավլովիչին առաջարկեց մագիստրատուրայի դասընթացների կազմակերպման օժնային տարբերակ: ՀԱՊՄ պրոռեկտոր Մարիաննա Հարությունյանը ընդգծեց, որ բուհը տարբեր ձևաչափերով համագործակցում է ռուսաստանյան մի շարք բուհերի հետ, բոլոր դեպքերում անհրաժեշտ է համագործակցության կոնկրետ քայլերի գործնական ամրագրում: Պրոռեկտորն առաջարկեց գործակցության մի քանի ուղղություններ, այդ թվում՝ մասնակցել մեր համալսարանի «Ամառային դպրոց» ծրագրին, իրականացնել ուսանողների փոխանակման ծրագրեր և այլն:

Ռուս գործընկերները վստահ են՝ համատեղ հարթակում կարելի է իրականացնել ամենատարբեր նախագծեր՝ ուսանողական կոնֆերանսներից մինչև մեդիա նախագծեր:

Պրոռեկտոր Մարիամ Իսախյանը ներկայացրեց ՀԱՊՄ Ռուսաց լեզվի ամբիոնի ներուժը, նրանց հետ համագործակցելու ուղիներ մատնանշեց:

Ռուս գործընկերները ակնկալում են մեթոդական աջակցություն, և պրոռեկտոր Մարիաննա Հարությունյանը վստահեցրեց՝ մենք պատրաստ ենք աջակցել և համագործակցել բոլոր այն ուղղություններով, որոնք կնախանջվեն երկուստեք:

Սիլվա ԱՄՐՅԱՆ

# Ապագան կերպողը ուսուցիչն է

Պետության ապագան կերտողներից մեկը ուսուցիչն է, և «յուրաքանչյուր գրագետ մարդ պարտական է ուսուցչին: Հարց է այն ազգը, որն ունի լավագույն ուսուցչություն»:

Մանկավարժական համալսարանի Մանկավարժության ամբիոնը հունիսի 1-ին անցկացրեց «Մանկավարժություն» առարկայից համահամալսարանական օլիմպիադայի եզրափակիչ փուլը: Քարոզներով հանդես եկան բակալավորի կրթական ծրագրով ուսումնառող 3 ուսանող և մագիստրատուրայի 5 ուսանող, որոնք ընտրվել էին ըստ քարոզների գնահատման չափանիշների: Հաղթող էր ճանաչ-



վելու 100 միավոր ստացած ուսանողը: Ներկաներին շնորհավորեցին և օրվա խորհուրդը կարևորեցին ՀՊՄՀ ուսումնական աշխատանքների գծով պրոռեկտոր Նահրա Սաֆարյանը և Մանկավարժության ամբիոնի վարիչ, պրոֆեսոր Աիդա Թոփուզյանը:

Պրոռեկտորը մաղթեց, որ երեխաներն անվտանգ ու խաղաղ երկրում մեծանան, նրանց դասավանդեն լավ ուսուցիչներ:

«Երեխան մարդ է և ընկեր» խորագրով քարոզների ուղեծները տարբեր էին դրանք ուղղված էին երիտասարդ ուսուցիչներին և բարձր դասարանցիներին:

21-րդ դարը մարտահրավերների դար է, պետք է նորովի ընկալել երեխաներին և նրանց ցանկությունները: Այս համատեքստում հետաքրքիր ու բազմազան էր ուսանողների ասելիքը:

«Պետք է կարևորել երեխայի զարգացման յուրաքանչյուր փուլ, չբավարարվել

սուկ չոր գիտելիքներ հաղորդելով, այլ նրանց մեջ ձևավորել մարդկային բարձր արժեքներ», -ասաց Գեղարվեստական կրթության ֆակուլտետի կերպարվեստի բաժնի մագիստրատուրայի 1-ին կուրսի ուսանողուհի Գոհար Շշմարիտյանը: Ելեմա Գրիգորյանն էլ ներկա ու ապագա մանկավարժներին հորդորեց առաջ գնալ ժամանակին համահունչ՝ հենվելով ազգային արժեքների վրա, ապա հավելեց. «Աշակերտը անոթ չէ, որ պետք է լցնել, այլ ջահ, որ պետք է վառել ու վառ պահել...»:

«Մանկավարժի դերի ու գործունեության նկատմամբ մեղ ընկալումը կարող է սահմանափակել ձեզ և ձեր մանկավարժական գործունեության տիրույթը, սակայն, բոլոր իրավիճակներում հավատացեք երեխաների հնարավորություններին, որոնք առաջ են գալիս մանկավարժական ազդեցությունից», -ասաց Սոնա Բաղդասարյանը:

«...Ուսուցիչը երեխային տալիս է հոգի, բարի կամք և իղեալներ,-մեջբերեց Լալա Ստեփանյանը:-Դարձիր այդ ուսուցիչը», -հորդորեց նա:

Աշխատող և ապագա ուսուցիչների հորդոր-քարոզները մերօրյա էին՝ սիրելու վստահել երեխային, դառնալ նրա ընկերը, չվախենալ դժվարություններից, երեխայի մեջ սերմանել հայրենասիրություն ու մարդկային բարձր որակներ:

ՀՊՄՀ ուսումնազիտական աշխատանքների գծով պրոռեկտոր Մարիամ Իսպիրյանը ողջունեց նախաձեռնությունը՝ ընդգծելով, որ այն ավանդույթ է դարձել: Պրոռեկտորը կարևորեց դասախոս-ուսանող համագործակցությունը՝ հավելելով, որ նման հարթակները լավագույն հնարավորությունն են՝ լսելու ուսանողներին: Նաև վստահեցրեց՝ մնալ գործընթացները լինելու են շարունակական:

Մանկավարժության ամբիոնի վարիչ Աիդա Թոփուզյանը շնորհակալություն հայտնեց բոլոր մասնակիցներին՝ ընդգծելով, որ «յուրաքանչյուր քարոզի մեջ մեզ համար ընդունելի գաղափարներ ու մտքեր կային»: Ա. Թոփուզյանը նկատեց. «Անցյալ տարվա ուղեծների հետքերն այսօր նկատելի էին. նշանակում է դրանք պահի ազդեցությամբ չէին ծնվել: Դրանք այսօր պետք է դարձնեք տանք և մեր ավագ դպրոցականներին դրանցով ոգևորեք»:

Աիդա Թոփուզյանը հատկապես տպավորված էր երիտասարդ ուսուցիչներին ուղղված քարոզներից. դրանք մեկ անգամ ևս փաստեցին, որ երեխան բարձրագույն արժեք է, ոչ մի երեխա մյուսին նման չէ, ամեն երեխա ինքնատիպ է, ինչը նշանակալու է՝ մանկությունը ժամանակավոր երևույթ չէ, այն դնում է մարդու հետագա կյանքի հիմքը:

Օլիմպիադայի մասնակիցներից լավագույններին ընտրեց գնահատող հանձնաժողովը՝ 1-ին պատվավոր տեղին ար-



ժամացնելով Սկզբնական կրթության ֆակուլտետի մագիստրատուրայի ուսանողուհի Լալա Ստեփանյանին: 2-րդ և 3-րդ տեղերը համապատասխանաբար զբաղեցրին Կրթության հոգեբանության և սոցիոլոգիայի ֆակուլտետի ուսանողուհի Սոնա Բաղդասարյանը և Սկզբնական կրթության ֆակուլտետի բակալավորիտի ուսանողուհի Էլեն Գաբրիելյանը: Մրցանակակիրներին հուշանվերներ հանձնեցին, իսկ բոլոր մասնակիցներին հավաստագրեր:

Օրը նշանավորվեց նաև դպրոցականների ելույթներով, որոնք ուսուցիչներին խոստովանեցին իրենց սերը, բայց նաև «խորհուրդ տվեցին»՝ սիրել, հասկանալ երեխաներին և երբեք չպատժել:

Սիլվա ԱՄՐՅԱՆ

# Պրակտիկայի ամփոփում ցուցահանդեսով

Մանկավարժական համալսարանի տարբեր ֆակուլտետների 2-3-րդ կուրսերի ուսանողները ներկայացրել էին մանկավարժական պրակտիկայի ընթացքում ստեղծած դիդակտիկ աշխատանքները: Ուսանողները խոսեցին դրանց կիրառման ձևերի ու նպատակների, նաև ուսուցման ընթացքը հետաքրքիր ու դյուրին դարձնելու անհրաժեշտության մասին:

Ցուցահանդեսը հազեցած էր ձեռագործ տիկնիկներով, տառադարաններով, պատկերազարդ տետրերով ու բառագրքերով, քարտային աշխատանքներով, պատասխաններով ու այլ դիդակտիկ պարագաներով:

Ամեն տարի ՀՊՄՀ Մանկավարժության ամբիոնը պրակտիկայի ամփոփումը կազմակերպում է մնալ ցուցահանդեսով, ուր ուսանողները ներկայացնում են իրենց կատարած աշխատանքը, իսկ դասախոսները քննարկում պրակտիկայի գործընթացի լավ ու վատ կողմերը, համատեղ վերլուծում հետաքրքիր աշխատանքները, նրբորեն դիտարկում թերություններն ու



դրանց վերացման ուղիներ առաջարկում:

Ապագա մանկավարժները խոստովանեցին՝ պրակտիկան հնարավորություն տվեց իրենց հանդես գալ ստեղծագործա-

կան նախաձեռնողականությամբ, դիդակտիկ նյութերով էլ կզարգացնեն երեխաների ինքնուրույն մտածողությունը, քարտային խաղերով կխթանեն ուսուցումը,

դասարանում կստեղծեն ակտիվ ու հետաքրքիր միջավայր՝ երեխաների համար առավել գրավիչ մեթոդներ կիրառելով:

«Ցուցահանդեսը յուրահատուկ հաշվետվություն է և փորձի փոխանակման լավագույն հարթակ», -ասաց Մանկավարժության ամբիոնի վարիչ Աիդա Թոփուզյանը՝ ընդգծելով, որ այն նպաստում է ուսանողների ստեղծագործականության ու նախաձեռնողականության զարգացմանը: Ամբիոնի վարիչը վստահեցրեց՝ ապագա ուսուցիչ ձևավորման գործում պրակտիկան կարևոր դեր ունի, նաև ընդգծեց այն հավուր պատշաճի կազմակերպելու անհրաժեշտությունը:

Պրակտիկայի արդյունքում ստեղծված ցուցահանդեսն ուսանողներին օգնեց նոր գիտելիքներ ձեռք բերել, թիմային աշխատանքում դրսևորվել, միասին հաղթահարել դժվարությունները, ամրացնել կամային որակները, սովորել սխալներից և այդ ամենի համատեքստում դասախոսների առաջ ներկայանալ ինքնատիպ հաշվետվողականությամբ:



## Մախարղական ճամփորդություն

Մենք բոլորս գալիս ենք մեր մանկությունից՝ ասում է Անտոնովն Դե սենտ Էբայուպերին: Թերևս մանկությունը յուրաքանչյուրիս կյանքի ամենավաղ ու գունեղ շրջանն է, որին հրաժեշտ տալն անչափ դժվար է...

Կուլտուրայի ֆակուլտետի դասիկոնում համալսարանական № 57 հիմնական դպրոցի 4րդ դասարանի ավարտական հանդեսն էր, որը համընկավ հունիսի 1-ին՝ Երեխաների իրավունքների պաշտպանության օրվան: Հրաժեշտը և տոնական տրամադրությունը միախառնվել էին բենի վրա՝ դարձել երգ, ասուներ ու պար, չորս տարիների ընթացքում ձեռք բերած գիտելիքների ստուգատես:

Մի կախարդական վրձին բոլորի ամուսները գրեց առաջին դասարանի դաս

ամատյանում, և սկսվեց կախարդական ճամփորդությունը գիտելիքների աշխարհում՝ ըստ դասարանների... Ահա և ավարտեցին 4-րդ դասարանը. ավարտական հանդեսի վերջին «փորձն է» բենի վրա. ի՞նչ սկսեց այն երեխաներին, հենց այդ էլ փորձում են ներկայացնել: Նորանք «Դպրաստանի» բնակիչներն են, որ զննաքննվում ու ճամփորդում են «Մայրենաշեն», «Բառաշատ», «Թվաբանիա», «Աշխարհաշեն» և մյուս վայրերով, հիանուն յուրաքանչյուրով, բացահայտում ու հիշում իրենց անցած դասերը տարբեր առարկաներից, վերադարձնում են «գրատախտակին» ու «պրոբլեմներին», առանց որոնց ոչինչ չեն կարող անել, որովհետև «ամեն ինչ գլխիվայր չըզվել է»:

Բենում հայտնվում է մեծ ու գունավոր

զննաքննվում է ճամփորդությունը տարբեր աշխարհներում՝ գիտելիքների աշխարհում «Այբեմարանի» ուղեկցությամբ: Յուրաքանչյուր դասամիջոցն էլ անց են կացնում մի կանգառում: Առաջին կանգառը «Դպրաստանի» մայրաքաղաքն է: Երեխաները երգում են՝ «Մենք ՀՀԿՄ № 57 դպրոցի սաներն ենք, ճանաչեք մեզ», փորձում են հասկանալ՝ գիտելիքներից որն է ամենակարևորն ու ամենազետևակորը...

Բենի վրա իրար հակադրվում են «հունանիշն» ու «հականիշն», «Հեքիաթաշատի» փողոցներում հանդիպում Թունամյանի հեքիաթների հերոսներին, մի այլ քաղաքում՝ առողջանության նշաններին, իսկ «Մեղեդեյլա» փողոցում՝ երգ, երաժշտության հանդեսի մասնակցում... և այսպես շարունակ: Չորրորդիցները յուրօրինակ

փորձությունը, բայց կշարունակվեն ուսումնառության օրերն ու տարիները համալսարանական № 57 դպրոցում, որը մի նոր կյանքի սկիզբ կդառնա:

Դպրոցականները շնորհակալություն են հայտնում դասվար Մարիան Ենոքյանին՝ իրենց հոգիներում ազնվություն, բարություն, մարդասիրություն, հայրենասիրություն և գիտելիքների հանդեպ սեր սերմանելու համար... Դասվարն էլ շնորհակալորում է երեխաներին՝ տոնական օրվա կապակցությամբ և փաստում՝ դուք ինձ այս չորս տարիների ընթացքում ձեր հեքիաթային ճամփորդության մի մասնիկն եք դարձրել...

Տնօրեն Նաիրա Տողանյանն իր հիացմունքն է արտահայտում գեղեցիկ ու ճաշակով ներկայացրած աշխատանքի համար, վստահ, որ կուն թին է ձևավորվել,



բենադրություն են ներկայացնում, որի ընթացքում հանդիպում են դպրոցի իրենց սիրելի առարկաներին ու ամսվայրային հերոսներին, հանդես գալիս լրատվական դաշտում... Այս ամփոփում երգով՝ մեր դպրոցը մենք ենք...

Ցավոք, ամեն ինչ իր ավարտն ունի, ավարտվում է և այս կախարդական ճամփ

փոքր, բայց մեծ ներուժ ունեցող դասարան, որն այսուհետև ևս նոր հաջողություններ է ամսագրելու:

Ծնողներին փոխանցված զգացողություններն անկարագրելի են. նրանք երկար կկրեն իրենց մեծ օրվա գունեղ տպավորությունները:

Սիլվա ԱՍՐՅԱՆ

## Հայրենիք-Սփյուռք

### Քարի պես պինդ և հայոց հողի պես փխրուն

Հայ ազգային ինքնության պահպանումն օտար ափերում, հայագրի մանուկներին հայեցի կրթելու, դաստիարակելու, պատմական ակունքներին հարողակից լինելու ձգտումը մշտապես եղել է մնում է մեր ժողովրդի ազգային հոգեկերտվածքի կարևորագույն բաղկացուցիչ մասը: Դարեր շարունակ օտար տիրապետողների լծի տակ գտնվելը, ազգային ինքնության կորստի մշտական սպառնալիքը, ծուլման, ուժացման վտանգը մեր գիտակցության մեջ առանձնահատուկ մոտեցում ու վերաբերմունք է առաջացրել հայապահպանման կարևորագույն ինստիտուտի՝ հայ ազգային դպրոցի հանդեպ: Այդ է պատճառը, որ Սփյուռքի հայ գաղթօջախներում մեծ ուշադրություն է դարձվում ազգային դպրոցների ստեղծմանը: Ազգապահպան այս գործին իրենց մասնակցություն են բերում հայ նվիրյալները, որոնք գործադրում են բոլոր ջանքերը, որ «Սուրիոն ավազին, Փարիզի մայթին, Նեղոսի ափին, Ռուսիոն անձայրածիր տարածքում» հայկական ազգանուն կրող մանուկները և մայրենի լեզվին չտիրապետող չափահասները կարողանան գրել, կարդալ ու կեղեմիկ մտարկայան տառերով, որ և՛ ֆրանսիական, և՛ ամերիկական, և՛ գերմանական, և՛ ռուսական ու «աստղահայր» խոսեն մեր ազնվագույն հայրենով:

Մոսկվայի Համազգայինի Լևոն Շանթի անվան հայկական կիրակնօրյա դպրոցում ավարտվեց հերթական ուսումնական տարին: Դպրոցը գտնվում է Բուտովո թաղամասում, սակայն մեզ մոտ են հաճախում հայ մանուկներ տարբեր թաղամասերից: Երեխաների մի մասը խոսում է հայերեն, մի մասն էլ կրում է միայն հայկական ազգանուն: Դպրոցում սովորեցնում ենք գրել, կարդալ, թեմատիկ բառերով հարստացնում ենք նրանց բառապաշարը: Ունենք հեքիաթի ժամ, երեխաները դերերով բեմականացնում են մեր հայկական հեքիաթները: Դրանով փորձում ենք թատերական արվեստին մոտեցնել նրանց: Բոլորն էլ հաճույքով են հաճախում դպրոց, սրտի թրթռով են մասնակցում հանդեսներին և միջոցառումներին: Քարի պես պինդ և հայոց հողի պես փխրուն է մեր աշակերտների սերը հայրենիքի հանդեպ: Մեր ուսուցչական կազմը ջանք ու եռանդ չի խնայում նրանց հայեցի դաստիարակելու, նրանց հոգում հայի ու հայկականացման ոգին ամուր պահելու գործում:

Լալա ՍՈՐՈՍՆՅԱՆ

Համազգայինի Լևոն Շանթի անվան կիրակնօրյա հայկական դպրոց ՌԴ, Մոսկվա



## 35-րդ հորեկամական «Վերջին դանգը»

ՌԴ-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոցում տեղի ունեցավ 35-րդ հորեկամական «Վերջին դանգը», որն ամփոփեց 2022-2023 ուսումնական տարին: Հանդիսավոր միջոցառումը կազմակերպվել էր նախկին Լազարյան ծննդարանի, ներկայիս՝ ՀՀ դեսպանության համդիսությունների մեծ դահլիճում: Երեսուհինգ տարի դպրոցը պահպանում է իր ավանդույթները, և ամեն կիրակի երեխաներըն այստեղ սովորում են ոչ միայն հայոց լեզու, երգ և պար, այլև ծանոթանում են հայոց պատմության փառահեղ էջերին, մշակութային արժեքներին, հանդիպում են ակնառու գործիչների հետ, ովքեր իրենց ավանդը ունեն մեր պատմական երկրի զարգացման գործում:

Միջոցառման պաշտոնական մասը մեկնարկեց Հայաստանի Հանրապետության օրհներգով, որից հետո հանդես եկավ ՌԴ-ում Հայաստանի Հանրապետության դեսպանության արտակարգ դեսպանորդ, լիազոր նախարար Աստղիկ Բալդրյանը, ով փոխանցեց Ռուսաստանում ՀՀ արտակարգ և լիազոր դեսպան Վաղարշակ Հարությունյանի շնորհավորական ուղերձն ու դեսպանի անունից շնորհակալագրեր հանձնեց դպրոցի սուրբ Շողիկ Փահլևանյանին, ուսուցչական համակազմին, մասնավորապես՝ հայոց լեզվի ուսուցչուհի Աննա Հովհաննյանին, հայագիտության ուսուցչուհի Քնարիկ Վարդանյանին, երաժշտության ուսուցչուհի Արփինե Սամվելյանին, ժողովրդական պարերի ուսուցչուհի Նանե Մարգարյանին, տեղեկատվական տեխնոլոգիաների մասնագետ Իրինա Շվեցովային:

Դպրոցի պատվոգրերի շարքը համալրվեց նաև ՀՀ կրթության, մշակույթի և սպորտի նախարարության շնորհակալագրով առ այն, որ 35 տարի անընդմեջ այս կրթօջախը հայոց գիրն ու գրականությունը, պատմությունն ու ավանդույթներն է փոխանցել հայրենիքից հեռու ապրող սերունդներին: Այդ ամենի ակնատեսը եղան ոչ միայն աշակերտների ծնողները, այլև բազմաթիվ պատվարժան հյուրեր, ովքեր իրենց բարեմաթաները հղեցին տնօրենին և ուսուցիչներին: Նշենք, որ դպրոցը գործում է 1988 թվականից.

ստեղծվել է Մոսկվայում և Մոսկվայի հայկական սփյուռքի, Հայաստանի մշտական ներկայացուցչության նախաձեռնությամբ, ՀԽՍՀ Լուսավորության նախարարության աջակցությամբ և Ամենայն Հայոց Կաթողիկոս Վազգեն Առաջինի օրհնությամբ: Մինչ օրս այստեղ անվճար հիմունքներով սովորում են հայ, տարբեր ազգությունների և տարիքային խմբերի երեխաներ՝ անկախ լեզվի իմացության մակարդակից:

Հատկանշական է, որ կրթական, գիտական և դաստիարակչական գործունեությունից բացի, կարևորվում է ճանաչողական-լուսավորչական միջոցառումների կազմակերպումը: Այդ ամենի շնորհիվ հնարավոր է լինում ամռանը հայրենիքում անցկացնել հետաքրքիր էքսկուրսիաներ՝ այցելել տարբեր ցուցահանդեսներ, թանգարաններ և գրադարաններ, ծանոթանալ հայ մեծերի ստեղծագործություններին, ինչպես նաև մշել Հայաստանի հետ կապված մշակակալի տարեթվերն ու տոները:

Ուսումնական տարվա ընթացքում «Վերածնունդ» դպրոցում իրականացվում են հանդիպումներ բազմաթիվ շրջանավարտների, պաշտոնատար անձանց և իրենց ժողովրդի արժանավոր ներկայացուցիչների՝ հասարակական գործիչների, գիտնականների ու գործարարների, գրողների ու բժիշկների, արվեստագետների ու արտիստների, մարզիկների հետ:

Առաջին տարիներին «Վերածնունդ» դպրոցում սովորել է 40-80 երեխա, իսկ այժմ նրանց թիվը հասել է 200-250-ի: Իր 35-ամյա բեղմնավոր գործունեության ընթացքում կիրակնօրյա դպրոցն արդեն կրթել է մոտ 4000 աշակերտ:

Նման ուրախության ու բարության մթնոլորտում «Վերածնունդ» դպրոցի սաները հայրենասիրական զգացողություններով ներկայացրին գրական-երաժշտական և ազգային պարային գեղեցիկ կատարումներ: Այնուհետև ցուցադրվեց կրթօջախի 2022-2023 ուսումնական տարվա և ամառային արձակուրդների հաշվետու տեսաժապավենները:

ՌԴ-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոց

# ՈՒՍԱՆՈՂԱԿԱՆ ԳԻՏԱԿԱՆ ԿՈՆՖԵՐԱՆՍ ԲԱՆԱՍԻՐԱԿԱՆՈՒՄ

Ուսանողության մանկավարժական կրթության երաշխիք է ամենից առաջ դասախոսական-առարկայական գործընթացը: Սակայն պակաս նշանակություն չունի ուսանողների ինքնուրույն ստեղծագործական աշխատանքը: Նման մի օղակ է ուսանողական գիտական կոնֆերանսը, որի անցկացումը դարձել է ավանդույթ, տարիներ շարունակ եղել է մեր բուհական կրթության համակարգի բաղադրիչ:

Տարեվերջին տեղի ունեցավ կոնֆերանս, որ կազմակերպել էր համալսարանի բանասիրական ֆակուլտետի Ա. Ղարիբյանի անվան հայոց լեզվի և նրա դասավանդման մեթոդիկայի ամբիոնը (ամբիոնի վարիչ ք. գ. դ. պրոֆ. Վ. Գ. Համբարձումյանի ղեկավարությամբ):

Մասնակցում էին ֆակուլտետի բակալավրիատի և մագիստրոսական կրթական ծրագրի մեկուկես տասնյակ ուսանողներ: Նրանք հանդես եկան հետաքրքիր գեկուցումներով հայ գրականության առավել հայտնի նմուշների լեզվի, առանձնապես բառապաշարի վերլուծությամբ, ինքնուրույն դիտարկումներով: Ձեկուցումների թեմաների գիտական ղեկավարությունը հաջողությամբ իրագործել էին ամբիոնի դասախոսները (պրոֆեսորի պաշտոնակատար Գ. Խալաթյան, դոցենտ Ա. Յուզբաշյան, դոց. Ս. Թորգոմյան):

Թեմաները հիմնականում ընտրվել էին հանրակրթական ծրագրային հեղինակների ստեղծագործություններից:

Կոնֆերանսը կազմակերպվել էր գրական երկի տեքստի վերլուծությամբ ուսանողի գրավոր խոսքի զարգացմանը նպաստելու նպատակով:

Հետաքրքիր թեմաներ էին առաջին կուրսեցիների գեկուցումները: Ս. Չարչյանը, Ա. Պապիկյանը, Ա. Դավթյանը անդրադարձան Ավ. Իսահակյանի «Համբերանքի չիբուխը» պատմվածքի բարբառային բառերին, Ե. Չարենցի «Ես իմ ամուռ Հայաստանի» բանաստեղծության մոտ բառերին, Վ. Տերյանի «Մթնշաղի անուրջներ» ժողովածուի լեզվական արվեստին: Հ. Առաքելյանը և Ռ. Հովհաննիսյանը խոսեցին Պ. Դուրյանի «Լճակ» և Ս. Մեծարենցի «Աբասիաներու շուքին տակ» գործերում հեղինակային լեզվանմանությունների մասին: Գ. Սազայանը բերեց իր մայրենի Գավառի խոսվածքի մի քանի յուրահատկություններ:

Մեծ ուշադրությամբ լսվեցին երկրորդ կուրսի ուսանողներ Ա. Թովմասյանի, Ե. Թունոյանի, Ա. Հարությունյանի գեկուցումները, որոնք վերաբերում էին Հ. Թումանյանի «Լուսնի Սաքուն» պոեմի, Ա. Բակունցի «Ծիրանի փող» և Ս. Գալշոյանի «Կանչը» պատմվածքների բառապաշարին:

Բավականին հետաքրքիր էին երրորդ կուրսեցի ուսանողների գեկուցումները, մասնավորապես որ դրանք առնչվում էին հայ հին մատենագրական նմուշներին: Օ. Գասպարյանը գեկուցեց «Աղոթքների կառուցվածքի

առանձնահատկությունները», իսկ Ա. Կյուրեղյանը՝ «Հրապարակախոսական ոճի արտահայտությունը 5-րդ դարի պատմագրության մեջ» թեմայով: Որքան էլ թեման ծավալուն էր, մյուսի ընդգրկումը չափավոր էր և օրինակներով հագեցած:

Չորրորդ կուրսեցիները մեր բուհի այս տարվա շրջանավարտներ են: Ի դեպ՝ Մ. Առաքելյանը և Ն. Հովհաննիսյանը գերզանց նիշով պաշտպանեցին իրենց ավարտական աշխատանքները, որ մաս ֆակուլտետի հաջողության մասին է: Իսկ մինչ այդ նրանք մասնակցեցին կոնֆերանսին իրենց ուշագրավ գեկուցումներով: Մ. Առաքելյանը գեկուցեց Հ. Թումանյանի մանկական բանաստեղծությունների բառապաշարը թեմայով, իսկ Ն. Հովհաննիսյանը ներկայացրեց իր ավարտական աշխատանքի՝ «Լճու Շանթի պիեսների բառապաշարը և նրա ուսուցումը» թեմայի մի բաժինը:

Գոհունակությամբ պետք է նշել մագիստրոսական կրթական ծրագրով ուսանողուհիներ Գ. Առաքելյանի և Ա. Ավագյանի գեկուցումների մասին: Նրանք կոնֆերանսում խոսեցին մագիստրոսական թեզերի արդիականության, ուսուցման մեթոդիկայի շուրջ: «Մ. Նալբանդյանի հրապարակախոսական երկերի բառապաշարը և նրա ուսուցումը», «Ուսուցչի շարժումների (ժեստերի) դրսևորումները մայրենի լեզվի դասագործընթացում» թեմաները արդիական են, մասնավորապես որ

նախկինում կան ամենակին չեն եղել ուշադրության առարկա, կան դրանց անդրադարձել են մասամբ: Ի դեպ, այդ թեմաների կատարումը պետական քննական հանձնաժողովը ճանաչեց իբրև լավագույն աշխատանքներ:

Վերջում, իբրև ամփոփում, գնահատանքի և խրախուսանքի խոսք ասացին նախ՝ գեկուցողների համակուրսեցիները, այնուհետև՝ ֆակուլտետի փոխղեկան դոցենտ Ն. Խաչատրյանը, Գ. Խալաթյանը, Ա. Յուզբաշյանը, ֆակուլտետի ղեկավար պրոֆեսոր Ա. Գալստյանը:

Ուսանողական կոնֆերանսի աշխատանքը մանրամասն ամփոփեց պրոֆեսոր Վ. Գ. Համբարձումյանը: Նա գնահատեց ուսանողների ինքնուրույն աշխատանքը, հայտնեց նկատառումներ, որոնք կարևոր են ոչ միայն նման գեկուցումների, այլև հետագայում՝ ավարտական և այլ բնույթի գրավոր աշխատանքների ձեռնամուխ լինելու ժամանակ: Ամենավերջում նա, իբրև քաջալերանք, գեկուցողներին նվիրեց իր բոլորովին վերջերս լույս տեսած գիտական աշխատությունը՝ «Հայ միջնադարյան երկերի վերաբնագրական լեզվի քննություն» գիրքը:

**Մերի ԱՌԱՔԵԼՅԱՆ**  
**Բանասիրական ֆակուլտետի**  
**4-րդ կուրս**  
**Անահիտ ԹՈՎՄԱՅԱՆ**  
**Բանասիրական ֆակուլտետի**  
**3-րդ կուրս**

## Հանդիպում բանաստեղծի հետ

# «Ես նկարում եմ բառերով...»



Հեթական հանդիպումն էր Բանասիրականում, որտեղ ուսանողները պարբերաբար հանդիպում են երիտասարդ, ժամանակակից բանաստեղծների հետ: Հյուրը ՀՊՄՀ 2006 թվականի Կուլտուրայի ֆակուլտետի շրջանավարտ, նկարիչ-մանկավարժ Պետրոս Հովհաննյանն է, ով գրեթե նկարչությամբ չի զբաղվում, բայց չափազանց տիրույթում հասցրել է սիրվել իր ասելիքի պարզությամբ ու մտաշելիությամբ:

Բացման խոսքը Ֆակուլտետի ղեկան, բանասիրական գիտությունների դոկտոր, պրոֆեսոր Աշոտ Գալստյանինն է, ով բանասիրական ուսանողների համար կարևորում է գիրք կարդալը՝ մեքենայով անվանի արձակագրի խոսքերը: «...գիրք կարդալը ծով մտնելու նման է, և պիտի հանձնվես տարերքին...»: Վարդգես Պետրոսյանի հերոսն ասում է՝ նոր, լավ գրողներ կան, միակ էլքը գիրք կարդալն է...

1983 թվականին է ծնվել, ավարտել է Տերյանի անվան դպրոցը, այնուհետև Խաչատուր Աբովյանի անվան հայկական պետական մանկավարժական համալսարանը: Բանաստեղծը հասցրել է երկու գիրք հրատարակել՝ «Կազմի» և «Մեզանից հետո», պատրաստվում է տպագրել երրորդ գիրքը, բազմաթիվ երգեր են գրվել նրա ստեղծագործություններով:

Հանդիպումը ձևաչափ չունի. ուսանողական լսարանի հետ անմիջական կապի ընթացքում փորձեցինք ճանաչել երիտասարդ բանաստեղծին: Տաղանդավոր է, չի սիրում բանաձևումներ, անկեղծանում է լսարանի առաջ՝ ակնկալում են ջերմ ու անկեղծ հանդիպում... Այդպես էլ եղավ՝ ջերմ ու անկեղծ հանդիպում, ուր հանդիպեցին պոե-

զիան և երաժշտությունը, և օրվա հերոսը նորին գերազանցություն պոեզիան էր՝ մաքուր ու զուլալ՝ ինչ-որ տեղ սահյանական խոսքի նրբերանգների հյուսվածքով:

Փոխդեպիտատ Նաիրա Խաչատրյանը կարևորեց երիտասարդ գրողների հետ հանդիպումները թե՛ ուսանողների, թե՛ դասախոսների համար, ապա հետաքրքիր շեշտադրումներով վերլուծեց Պետրոս Հովհաննյանի պոեզիան: «Նա գրում է այնպես, ինչպես ապրում է, և գրում է այնպես, որ պոեզիան ընթերցողին...»:

Ն. Խաչատրյանի խոսքը դիպուկ էր ու տեղին: «Բանաստեղծի աշխարհը հագեցած է սիրո անուշ հույզով, հայրենիքի երգի ավանդական ու ժամանակակից աշխարհընկալմամբ, խոհական ու փիլիսոփայական բանաձևումներով: Հոկտանյանը խոստովանում է, որ ստեղծագործությունները ծնվում են ըստ հոգեվիճակի, առանց նախնական տրամադրվածության, այնպես աննկատ ու հուշիկ, ինչպես հոգու անկեղծ երգը՝ պահի ազդեցությամբ ու ինքնաբերաբար: Անկեղծությունից ծնված պոեզիան մաքուր է մարդկային հոգին, դարձնում բյուրեղյա ու անսխալ: Առաջին հերթին այն հեղինակին է պետք. այն կորցրածը ետ բերելու, ունեցածը պահելու խիզախությունն է իր մեջ ամփոփում, և զարմանալի չէ, որ առանց երգի նրա կյանքը կանգ կառներ:

Այսօր գրիչս պիտի կանգ առնի,  
*Ինչպես որ սիրտն է կանգ առնում*  
*հանկարծ...*  
Նա գիտի նաև ինքնաշտկման բանաձևը.  
*Ես գիտեմ արդեն ճամփան դրախտի*  
*ու սրբերի հետ նստում եմ սեղան,*  
*երկինքն է այսօր տերը իմ բախտի,*  
*ուն կտակել է իմ հույսն ու ներկան...:*

Խառն ու խրթին, քաղաքական վայրիվերումներով հագեցած մեր օրերում, երբ «ժամանակը պահանջում է արվեստի ու գրականության քաղաքականացում, Պետրոս Հովհաննյանը կարողանում է գերծ մնալ մոդայիկ ջղաձգումներից, մեզ մատուցելով բանաստեղծական բարձր արժեքներ»,-շարունակում է Ն. Խաչատրյանը՝ փորձելով բացահայտել ժամանակակից բանաստեղծի աշխարհը, որին մոտեցող ընթերցողը հասկանում է՝ «և դրախտն է իրենը, և դժոխքը», և իրենն են «բանաստեղծի բոլոր մոլորակները, ուր ընթերցողը բանաստեղծի հետ «կարողանում է լսել ոտնաձայները հեռացող օրերի»:

«Ձեր բանաստեղծությունները սովորեցնում են սիրել, զգալ»,-ասում է 3-րդ կուրսի ուսանողուհի Թագուհի Աղասյանը, ապագա բանասերները բանաստեղծություններ են ներկայացնում Պետրոս Հովհաննյանի պոեզիայից, որի հեղինակը խոսում է իր հույզերի, ապրումների ու ընկալումների մասին: «Այսօր չեմ ուզում նկարել ցատու, ցավ ու տառապանք...», «Որ կողմնայում եմ՝ օտար շենքեր են...», «Տագնապ մերշնչող օտար բարքեր են...», «Մի կյանքը քիչ է սիրելու համար...»:

Դասախոսները և ուսանողները բանաստեղծին ուղղում են հարցեր, որոնք վերաբերում են նկարչությանն ու պոեզիային, ուսուցչին ու մանկավարժությանը...

Գրեթե չեն նկարում՝ անկեղծանում է Պետրոսը, են նկարում են բառերով...  
Սիրում է Տերյան ու Սահյան, իր էությանը ու ասելիքով ավելի մոտ է Սահյանին, բայց սիրո բարձրակետը Չարենցն է... Մեր օրերում տաղանդավոր գրողներ շատ կան, ցավոք, սոցիալական հարթակներում վատ

գրողներն ավելի շատ են: «Գրողը պետք է գրի, դա հոգու ճիչ է, ընթերցողը պետք է գտնի իր գրողին, գրողն էլ՝ իր ընթերցողին... Բանաստեղծությունը հոգևոր վիճակ է, ինձ համար արդթի պես մի բան...»,-անկեղծանում է բանաստեղծը՝ փաստելով, որ իրեն ավելի շատ գտնում է չափածոյի մեջ:

«Բանասիրական ֆակուլտետը մեր երկրի համար ստորտեգիական նշանակություն ունի. մեր ուսանողները պիտի լինեն գրագետ, բարեկիրթ, հոգեբան,-ընդգծում է դեկան Աշոտ Գալստյանը,-այսօր ամբողջ աշխարհում ճգնաժամ է, մեր երկրում՝ մոլորակ, մանկավարժի համար դժվար է մտնել դասարան... Դուք ևս մանկավարժ եք, ի՞նչ կուզեիք ասել ապագա մանկավարժներին»:

«Մանկավարժն այն մարդն է, որը կրթում է. նա պիտի կրթի նաև իր օրինակով ու կերպարով, բայց նա նաև չգնահատված է... Եղեք հայապահպան, էական չի՞ որ ուրուտում կաշխատեք, եթե այդպես մտածեք յուրաքանչյուր՝ մեզ դժվար կլինի հարթել...», - ուսանողներին ասում է բանաստեղծը, և որ ամենակարևորն է՝ եղեք քաղաքակիրթ ու նաև հոգեբան...»

Ինչ վերաբերում է ներքին վախերին՝ Պետրոս Հովհաննյանը վստահեցնում է ուսանողներին՝ դրանք բոլորը հարթահարելի են, իսկ ինքը միայն Աստծու է վախենում...

Ուսանողները մեկ անգամ էլ փորձեցին ծտել՝ ի՞նչ եք ուզում ամրդկանց ասել ձեր պոեզիայով...

«Ես փորձում եմ բանաստեղծությունների միջոցով խոսել, ես ընդամենը խոսում եմ իմ ընթերցողների հետ»,-մեկնաբանեց բանաստեղծը:

«Մա... միշտ գարուն է մեր տանը, բայց մի տեսակ ցուրտ գարուն, դու կաս, դու միշտ կաս, մայրիկ, չնայած քեզ դրախտի ուղեգիր են շնորհել, իսկ ես այս ծուռ աշխարհում շարունակում եմ ենթարկվել ապրելու փորձությանը և լսել ոտնաձայները հեռացող օրերի...»: Կարծես ամեն ինչ ասված է յուրովի գեղեցիկ...

Հանդիպմանը մի առանձին շուք հաղորդեց հեղինակային երգերի կատարող Սրբուհի Սինոնյանը, ով կիթառով իրաշափ ներկայացրեց Պետրոսի բանաստեղծություններով գրված երգերից՝ նրանց ջերմությամբ ու տաք հնչյուններով լցնելով լսարանն ու ներկաների հոգիները:

Եվ, իբրև ավարտ՝ մեքենայով «Մեզանից հետո» գրքից.

*Իմ ամեն օրը պայքար ու նահանգ,*  
*Կարոտի կոշիկ, սեր ու երազանք,*  
*Իմ ամեն օրը գույն ունի կանաչ,*  
*Քեզ ունի արդեն ինձանից առաջ...  
Միվա ԱՌՅԱՆ*



ԱՊՐԱԳ-Ա ԼՐԱԳ-ՐՈՂԻ ԷՋ



Ամենամեծ շարժիչ ուժը երևակայությունն է

«Արվեստագետի առաքելությունը պիտի լինի արվեստին հավատարիմ մնալը, ցանկացած պարագայում»,- մեզ հետ զրույցում ասում է 27-ամյա երգահան, հեղինակ կատարող Յակոբ Թութունջյանը, օրինակ բերելով Պիկասոյին և Մոդիլիանին, ասելով, որ մեկն ապրում էր շոյալույթյան մեջ, մյուսը՝ ոչ այդքան, բայց երկուսն էլ հավատարիմ էին արվեստին:

Երաժշտության հետ նրա կապը վաղ հասակից է ձևավորվել. մայրը ջութակահար է, հաճախ էր Յակոբին իր հետ տանում նվագախմբի փորձերին: «Դեռ մանկուց ես շատ էի սիրում երևակայել ու ինձանից դուրս մի բան ստեղծել, ու այդ ներքին քաղցր հագեցնելու ամենահարմար տարբերակը երաժշտությունն էր»,- պատմում է Յակոբը:

Փոքրուց հաճախել է կիթառի դասերի և իրեն ծանոթ մի քանի ակորդներով մեղեդիներ ստեղծել: Այսօր էլ իր ամենամեծ շարժիչ ուժը արվեստում համարում է երևակայությունը, հետո մնացածը՝ ձայն, կատարողական արվեստ և այլն:

«Ամեն մի երգն ինձ համար մի ֆիլմ է, որտեղ ես և՛ ռեժիսոր եմ, և՛ դերասան, մանավանդ այն երգերը, որոնք քավր չեն, այլ իմ հորինած», - նկատում է երգահանը:

Ավարտել է Երևանի Սիբայել Մալունջյանի անվան արվեստի դպրոցը, որտեղ անցել է կիթառի դասարանի ամբողջական դասընթացը: Ապա կրթությունը շարունակել է Բոլորովի և Գրիգորյանի անվան Ռուսաստանի ազգային ազգարային համալսարանի «Փոխադրումների և ճանապարհային երթևեկության կազմակերպում և կառավարում» բաժնում, բայց մասնագիտությամբ երբեք չի աշխատել: Զուգահեռ նաև սովորել է Երգի պետական թատրոնի վոկալի բաժնում և դասեր ստացել երգչուհի Եվա Սուջյանի մոտ:

Երգարվեստից բացի զբաղվում և գունարվեստով և այլ գործերով:

«Աշխատանքը շատ կարևոր է մարդու համար, բայց արվեստի մարդը, երբ ուրիշ գործով է զբաղվում, միևնույն է, մտքով ուզում է վերադառնալ ակունքներին ու տարբեր աշխատանքներով զբաղվելու ընթացքում կարողանում է մեծ պաշար կուտակել արվեստի համար, որովհետև, ի վերջո, դա կյանք է ու մարդկային հարաբերություններ, իսկ արվեստով զբաղվող մարդը շատ նրբանկատ պիտի լինի այս հարցերում»,- ասում է Յակոբ Թութունջյանը:

Երաժշտությամբ դեռ չի վաստակում, երբեք երգը, որպես աշխատանք, չի ծառայել նրան. «Ասել, որ հորթի է, սխալ կլինի, բայց միշտ համատեղել եմ երաժշտությունը տարբեր աշխատանքների հետ, հույս ունենալով, որ մի օր վերջնականապես կվերադառնամ երաժշտությանը՝ երգելուն»:

Առաջին հեղինակային երգերից մեկը «Հպարտների ծովն» էր, որը գրել է 16 տարեկանում. այդ երգը ծայրագրել է վերջերս՝ իր մասին պատմող ֆիլմի համար, 11 տարի երգը գրված էր, սակայն չէր ձայնագրում: Ֆիլմը կոչվում է «Freedom» (ազատություն): Նրան ռեժիսոր և օպերատոր ընկերներն են օգնել, ամենից շատ՝ Ստեփանը, գաղափարները որոշակիորեն ռեալիզացնելու հարցում:

Տարիքի հետ ճաշակային մեծ փոփոխություններ են լինում. 27 տարեկանում հորինված երգերը խիստ տարբերվում են 17-ում ստեղծածներից, կան շատ մեղեդիներ, որոնց համար դեռ բառեր պիտի գրվեն, ասում է՝ գուցե այս անգամ դիմի պոետների օգնությանը:

Նրա երգարվեստում սերն է և ազատությունը: Հեղինակային երգերից են «Հորինված այս քաղաքում», «Searching love», որը ունի տեսափոփոխակ, «Շենքերը փակել են փոշու աչքերը», «Ճշմարտախոսը» և այլն:

«Ես չգիտեմ՝ արվեստը ինչպիսին պիտի լինի կամ չլինի, բայց մի բան հաստատ է՝ արվեստը պետք է գեղեցիկ լինի, հոգևոր մեծ պաշար ունենա իր մեջ, կլինի երգ- երաժշտություն, թե ֆիլմ՝ պիտի ապրեցնի քեզ, էնոցիաներով լցնի, որոշակի ջերմությամբ պարուրի հոգին, դա է ամենաարժեքավորը», - ընդգծում է երգահանը:

Նպատակներից մեկն է՝ հերթով ձայնագրել բոլոր ստեղծած գործերը և հաջողված քավրները, իհարկե, լավ գործիքավորողների օգնությամբ, ինչու ոչ՝ նաև մի քանիսը շատ պարզ ձևով, կիթառով, ակուստիկ տարբերակով, ինչպես ի սկզբանե հորինվել է, ցանկանում է գտնել գաղափարակիցներ և ստեղծել խումբ:

«Կյանքի կարգախոս չունեմ, բայց միշտ վստահում եմ նեքին ձայնիս», - եզրափակեց Յակոբ Թութունջյանը:

Լուիզա ՍԱՐԳՍՅԱՆ  
Հեռուստառադիոլրագրության բաժնի 3-րդ կուրսի ուսանողուհի

Մի գլացեք կյանքեր փրկել

Մայիսի 26-ին Գառնի-Արտաշատ մայրուղում տեղի ունեցած վթարի հետևանքով չորս պատանի ըմբիշ ստացել էին ծանր մարմնական վնասվածքներ և գտնվում են ծայրահեղ ծանր վիճակում Սուրբ Աստվածամոր անվան հիվանդանոցում:

Վթարից ժամեր անց Ըմբշամարտի ֆեդերացիան հայտարարություն տարածեց, որ պատանի ըմբիշներից արյան փոխներարկում է անհրաժեշտ, և բոլոր այն մարդիկ, ովքեր կարող են հանդիսանալ դոնոր, առավոտյան 9. 30-ին մոտեման արյան հանձնման կետ:

Առավոտյան Սուրբ Աստվածամոր բժշկական կենտրոնի արյան հանձնման կետում «ասեղ օգելու» տեղ չկար: Ցանկացողների քանակը եռակի գերազանցում էր անհրաժեշտ արյան քանակին: Օրում միասնակամություն և կարեցցանք էր գագավում, բոլորն անհամբեր սպասում էին իրենց հերթին, որ օգնեին իրենց կարիքն ունեցող երեխաներին: Իրարից շատ տարբեր մարդիկ, որոնք առօրյա կյանքում, կարծես թե, ընդհանուր ոչինչ չունեին, միախմբվել էին՝ մեկ տեղում, մեկ նպատակի շուրջ: Ազգությամբ ռուս Իրինան ասում է. «Տեղեզարմյան ալիքներից մեկում տեսա, որ դժբախտություն է պատահել, և բոլոր տուժածները իմ երեխայի հասակակիցներն են: Քանի որ Հայաստանն ինձ այսքան ջերմ և հարազատ է ընդունել իմ պարտքն էմ համարում ինչ-որ ձևով հատուցել այդ բարության համար: Ինձ հետ պայքարվեցիք եմ բերել և խնդրել, որպեսզի փոխանցեն երեխաներին, երբ նրանք արթնանան»:

Արյուն մվիրաբերողների շարքում էր նաև նախկին պաշտոնյա, որը վստահ է՝ յուրաքանչյուրիս պարտքն է անհրաժեշտության պահին թիկունք լինել մեր հայրենակիցներին. «Կյանքից թանկ ոչինչ չկա և դժվարության պահին օգնելով մյուսներին՝ օգնում եմ ինքներս մեզ»:

Զինված ուժերում որպես ռազմական օդաչու ծառայող Արմեն Սահակյանը հաջորդ օրն առավոտյան պետք է մեկնեի ծառայության, մինչև հայրենիքը պաշտպանելը՝ նա պաշտպանում է հայ երիտասարդների կյանքի իրավունքը: Պատերազմի ընթացքում իր կյանքը հաջողվել է փրկել դոնորների մվիրաբերած արյան շնորհիվ, և նա ամենքից լավ գիտի՝ ինչ «գին» ունի արյունը:

Արյուն մվիրաբերողներից յուրաքանչյուրն այս քայլին դիմելու իր դրդապատճառն ունի, բայց երբ խոսքը վերաբերում է մարդկանց կյանքը փրկելուն, ապա բոլոր պատճառները դառնում են մեկը:

Ապագա չեմպիոնների վիճակը գնահատվում է ծայրահեղ ծանր, մոտ օրերս նրանց բավականին մեծ քանակությամբ արյուն պետք կգա, և եթե դուք ցանկություն ունեք և համապատասխանում եք մվիրատվության պահանջներին, ապա ընդամենը 15 րոպե կարող է կյանք փրկել:

Միլենա ՍՈՂՈՍՅԱՆ  
ՀՊՄՀ  
Հեռուստառադիոլրագրության բաժնի 3-րդ կուրսի ուսանողուհի (դոնոր)

Հ.Գ. Ցավոք, երբ մյուսը պատրաստ էր տպագրության, տեղեկացանք, որ երկու ըմբիշի կյանքը փրկել չհաջողվեց:



«Ուշացած խաղաղություն»

«Ես միշտ էլ հստակ իմացել եմ, որ օրերից մի օր հրատարակելու եմ գիրքս»,- մեզ հետ զրույցում ասաց «Ուշացած խաղաղություն» գրքի հեղինակ Տաթև Պետրոսյանը: Տաթևը գիրքը գրել է 2020 թվականի սեպտեմբերյան պատերազմի ընթացքում, երբ դեռ ընդամենը 16 տարեկան էր:

«Թուղթն ու գրիչը միշտ ինձ հետ են, մինչ պատերազմը և պատերազմից հետո ևս, ես անդադար գրում եմ, սկզբում իմ առօրյայի, իսկ սեպտեմբերի 27-ից սկսած՝ պատերազմի մասին»,-նշում է հեղինակը:

Տաթևն ասում է, որ երբ մարդկանց մոտ բառերը դառնում են ավելորդ, շատ մարդիկ իրենց մտքերը սկսում են հանձնել թղթին՝ չիմանալով, որ այդ մտքերը կարող են մի օր գրքեր դառնալ: Նա հենց այն մարդկանցից է, որ իր մտքերը հանձնեց թղթին, ու այդ 44 օրերի ընթացքում գրեց հենց 44 էջ: Գիրքը պատերազմից հետո ապրելու և կյանքը վերաժողոտելու մասին է:

Շատերը Տաթևին արդեն ճանաչում են որպես սկսնակ գրողի, և ինչպես ինքն է ասում՝ դու արդեն ներկայանում ես որպես սկսնակ գրող և հեղինակ և պետք է շարունակես գրել, քանի որ քո լսարանը սպասում է հաջորդ գրքին:

Շուտով լույս է տեսնելու Տաթևի նոր գիրքը, որը պատերազմի մասին չէ, բայց շատ կարևոր թեմա է 21-րդ դարի երիտասարդության համար. «Իմ գերագույն նպատակն էր հասարակությանն ապացուցելն է, որ 21-րդ դարում կան այնպիսի մարդիկ, ովքեր հիշում են պատերազմը, կայացած են ու չեն տրվում միայն գունամայրիկ հաճույքներին»:

Պատերազմը ստիպեց նրան գիրքը վերանագրել «Ուշացած խաղաղություն», քանի որ պատերազմից հետո հասկացավ, որ մեր ուշացումներն այլևս չեն ներկայումս:

«Դպրոցում, երբ ուշանում էի, ասում էի կներքե. ներվում էի, աշխատանքից էի ուշանում՝ ներվում էի, կարևոր հանդիպումներից ուշանալիս՝ պատճառաբանում էի, թե խցանում էր, բայց հետո հասկացա, որ պետք չէ ուշանալ, որովհետև չգիտեմք վաղվա օրը ինչ է լինելու», - հավելեց նա: Տաթևի խոսքով, պատերազմը փոխեց նաև իրեն, ու սովորեց գնահատել, ապրել ու արժևորել սերն ու կյանքը, հարազատներին, ընկերներին ու մտերիմներին, անծանոթներին:

«Մեկ-մեկ սիրտս բացատրություններ է պահանջում, իսկ հետո կյանքն ինձ հրամայում է ապրել առանց բացատրությունների փնտրելու, ապրել հանուն նրանց, ովքեր ընկան հանուն մեզ,- ասաց Տաթևը: Անցան տարիները, ես մեծացա ու հրատարակեցի գիրքս...»

Հրատարակեցի ուշացած...

Ցավոք «Ուշացած խաղաղություն» վերանագրվեց:

ԱՆՆԱ ՔԱՐԱՍՅԱՆ  
Հեռուստառադիոլրագրության բաժնի 3-րդ կուրսի ուսանողուհի



«Թանգարանային գիշերը»

Թանգարանի պատուհանների արանքից

Աշխարհի տարբեր ծայրերում մայիսի 18-ը տոնվում է որպես թանգարանների միջազգային օր: Իսկ անսվա վերջին շաբաթվա օրերից մեկն ընտրվում է թանգարանային գիշերվա համար:

«Թանգարանային գիշերը» ցուցահասարակները պատկերասրահներն ու ամենահայտնի թանգարաններն ունենում են ազատ ելուստ: Այս օրը թանգարանները բաց են լինում այցելուների առաջ մինչև ուշ գիշեր: Միջազգային օրը 1977 թվականից սկսած է նշվում ու որոշակի նպատակ հետապնդում՝ համախմբել թանգարանների շուրջ հասարակությանն ու մարդկությանը, արվեստը չտալ մոռացության և բարձրացնել հանրային իրազեկվածությունը:

2005 թվականից Հայաստանում նույնպես նշվում է Թանգարանների միջազգային օրը՝ ամեն տարի յուրահատուկ համախմբող կարգախոս ընտրելով: 2023 թ. Թանգարանների միջազգային օրվա խորագիրն էր «Թանգարաններ, կայունություն և բարեկեցություն», որը ևս մեկ անգամ վերահաստատում է թանգարանների կարևորագույն դերը համայնքների կայուն զարգացման և բարեկեցիկ հասարակության ձևավորման գործում:

Այս ավանդույթը կրթական կարևորագույն նշանակություն ունի և երիտասարդների շրջանում սիրված օր է՝ պարտադիր այցելության համար:

Թանգարանների մշտական այցելու Հեղինե Գրիգորյանի համար միջազգային օրն առանձնանում է, քանի որ ավելի շատ մարդկանց է տեսնում սրահներում, քան սովորական օրերին: «Կարևոր և միաժամանակ հաճելի գործընթաց է թանգարան այցելելը, կարծես հոգուդ արվեստես թելադրում», -նշում է Հեղինե Գրիգորյանն ու ավելացնում, որ նա չէր և՛ ոչ այնքան տեսնել ավելի շատ զբոսաշրջիկների թանգարանների սրահներում, քան տեղի երիտասարդությանն ու կրտսեր դպրոցականներին:

Գաֆեսճյան արվեստի կենտրոնում, Սերգեյ Փարաջանովի թանգարանում, Մատենադարանում, Հայաստանի պատմության թանգարանում ու Ազգային պատկերասրահում այս օրերին չի դադարում թե՛ զբոսաշրջիկների, թե՛ տեղացիների հոսքը:

Ի տարբերություն մյուս թանգարանների, «Արարատ» կոնյակի թանգարանն այդ օրն իր ռոնդելը բացեց ժամը 19-ին. մարդկանց հոսքն անդադար էր: Այցելուներին դիմավորում էին զբոսավորները, ցույց տալիս տարածքն ու ծանոթացնում պատմությանը: Շրջայցն անցկացվում էր ինչպես հայերեն, այնպես էլ ռուսերեն և անգլերեն լեզուներով: Առաջին սրահում հայ մվիրյալների պատմությունն էր, որոնք կերտել, պահպանել ու փոխանցել են հայկական հողի ու արևի ջերմությունը: Սրահը, որ կոչվել էին «Եվ ծագում է արևը» ժամանակավոր ցուցադրություն էր թանգարանում:

Ցուցադրված վերջին նմուշներում էր հայկական կոնյակի առաջին դիպլոմը՝ նվաճած 1907 թվականին Ֆրանսիայում և ARARAT-ի վերջին մրցանակը՝ ստացած ճապոնիայում 2021 թվականի մայիսին:

Ինչպես նշեց թանգարանի աշխատակիցը՝ «Թանգարանները պահպանում ու ներկայացնում են յուրաքանչյուր երկրի մշակութային և գիտական հարստությունը, իսկ «Արարատ» այդ հարստությունների շարքին է դասվում»:

Հաջորդ սրահներում պահվում էին ամենահին կոնյակի ամենամեծ տակառները, որտեղ տակառի տեսքով դրված էին կշեռքեր: Ըստ ավանդույթի, այստեղ նստել են տարբեր երկրներից այցելած նախագահներ և ով ավելի շատ է կշեռել՝ իր քաշի չափով կոնյակ է նվեր ստացել թանգարանից:

Թանգարանում են պահվում անվանական տակառներով կոնյակներ, երկրի վարչապետի, նախագահների անուն-ազգանուններով և, ինչպես նշեց աշխատակիցը՝ ամենաթարմ մակագրությամբ տակառը նախագահ Վահագն Խաչատրյանին էր:

Անիմացիոն տեսաշարով ցուցադրված էր նաև կոնյակի տակառի պատրաստման բուն գործընթացը, որը հիացրել էր ներկաներին:

Շրջայցի ավարտին օտարազգի զբոսաշրջիկ Սառա Միրին մեզ հետ զրույցում իր հիացմունքն արտահայտեց հայկական կոնյակի, մշակույթի ու մարդկանց մասին:

«Թանգարանային գիշեր»-ից հիացած Սառան խոստացավ՝ ընտանիքի անդամներին անպայման բերելու է Հայաստան:

Լիլիթ ԱճԵՄՅԱՆ

Չեռուստառադիոլրագրության բաժնի 3-րդ կուրսի ուսանողուհի

Մանկավարժության ու գիտության անխոնջ նվիրյալը

Մանկավարժական համալսարանը ծանր կորուստ կրեց. կյանքից հեռացավ կենսաբանական գիտությունների դոկտոր, էկոլոգիայի և կայուն զարգացման համահամալսարանական ամբիոնի պրոֆեսոր Վարուժան Հովհաննիսյանը:

Վարուժան Հովհաննիսյանը ծնվել է 1952 թվականին, 1981 թվականին ավարտել է Խաչատուր Աբովյանի անվան մանկավարժական ինստիտուտի կենսաբանության և քիմիայի ֆակուլտետը:

1981-1982 թթ. կենսաբանության ուսուցիչ է աշխատել Մասիսի շրջանի Դարակերտ գյուղի միջնակարգ դպրոցում, 1982-1997 թթ. ՀՀ ԳԱԱ կենդանաբանության ինստիտուտի ավագ գիտաշխատող էր, իսկ 1997 թվականից մինչ օրս աշխատում էր հարազատ բուհում:

Մանկավարժական համալսարանում շուրջ 26 տարվա աշխատանքային փորձ, 6 գիրք, 92 հրատարակված գիտական աշխատանք տեղական և միջազգային բարձր վարկանիշ ունեցող պարբերականներում, որոնք նրան բերել են միջազգային ճանաչում:

Վարուժան Հովհաննիսյանը զբաղվում էր էկոլոգիական կրթության և դաստիարակության հարցերով, դասավանդում էր հիդրոէկոլոգիա, երկրաէկոլոգիա, կենսոլորտի երկրաքիմիա-երկրաֆիզիկա, էկոլոգիական ֆիզիոլոգիա, արդյունաբերության էկոլոգիա, բնագիտության ժամանակակից հայեցակարգ, էկոլոգիական փորձագիտություն, բնօգտագործման կառավարում և այլն:

Վ. Հովհաննիսյանի կողմից հայտնաբերված գիշաճանճը, միջատաբանական անվանարկման միջազգային ընկերության կողմից անվանվել է «Dilichopus oganesyanii» Nebogow, 2004: ԳԱԱ կենդանաբանության և հիդրոէկոլոգիայի գիտական կենտրոնի 036 «Կենդանաբանություն, մակաբուծաբանություն, էկոլոգիա» մասնագիտական խորհրդի անդամ էր, Սննդամթերքի անվտանգության պետական ծառայության հանձնաժողովի, Հայ առաքելական եկեղեցու սոցիալական տնօրենի բնապահպանական ծրագրերի փորձագետ:

Բուհի հիմնադրման 100-ամյակի առթիվ ՀՀԳՄՀ ղեկավար Սրբուհի Վարդանյանը համալսարանի Գիտական խորհրդի անունից Վարուժան Հովհաննիսյանին պարգևատրեց համալսարանի բարձրագույն պարգևով՝ «Խաչատուր Աբովյան» մեդալով:



րուժան Հովհաննիսյանին պարգևատրեց համալսարանի բարձրագույն պարգևով՝ «Խաչատուր Աբովյան» մեդալով:

Վաչագան Հովհաննիսյանն ուսումնասանական արժեքների և գիտակրթական ոլորտի փայլուն ներկայացուցիչ էր, ուներ աշխատանքային երկարամյա փորձ ու փորձառություն, աչքի էր ընկնում բարձր պրոֆեսիոնալիզմով ու մասնագիտական որակներով, երիտասարդ կադրերի պատրաստման գործում՝ պատասխանատվությամբ ու նվիրումով:

Նա հավատարիմ էր մանկավարժի կոչմանը, իր ողջ գիտական ներուժն ու հոգու ջերմությունն անմնացորդ տալիս էր ուսանողներին, կրթությանն ու դաստիարակությանը նվիրված բազմաթիվ ուսումնական ձեռնարկները, կենսաբանական և էկոլոգիական խնդիրների իրազեկության մակարդակի բարձրացմանն ուղղված նրա գիտամանկավարժական գործունեությունը մշտապես նպաստել է սերունդների կրթության որակի բարելավմանը:

Վարուժան Հովհաննիսյանը վայելում էր բուհի պրոֆեսորադասախոսական անձնակազմի և ուսանողների սերն ու հարգանքը: Վաստակաշատ մանկավարժի ու գիտնականի հիշատակը վառ կմնա ուսանողական սերունդների, գործընկերների, համալսարանի պրոֆեսորադասախոսական կազմի և կոլեկտիվի հիշողության մեջ:

Սիրինե ՀՈՂԵՐՅԱՆ  
էկոլոգիայի և կայուն զարգացման ամբիոն

ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ԴԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԸ ՀԱՅՏԱՐԱՐՈՒՄ Է

2023-2024 ուսումնական տարվա ասպիրանտուրայի հեռակա ընդունելություն

1. Մանկավարժության տեսություն և պատմություն - ԺԳ.00.01 (1 տեղ)

2. Սոցիալական հոգեբանություն - ԺԹ.00.03 (1 տեղ)

Դիմորդները ներկայացնում են հետևյալ փաստաթղթերը.

1. Ասպիրանտուրա ընդունվելու համար տրվում է դիմում հաստատության ղեկավարի անունով՝ կցելով հետևյալ փաստաթղթերը՝

1) բակալավրի և մագիստրոսի կամ դիպլոմավորված մասնագետի կամ օրդինատորի դիպլոմի ու դրանց հավելվածների պատճենները (օտարերկրյա պետություններում բարձրագույն կրթություն ստացածների համար՝ փաստաթուղթ նրանց կրթության համարժեքության մասին),

2) օտար լեզվի ատեստավորման վկայականը կամ դրան համապատասխան տեղեկանքը (սահմանված ներքին շենդով՝ բալային գնահատմամբ),

3) ընտրված մասնագիտությամբ հրատարակված առնվազն մեկ գիտական աշխատանքի պատճենը կամ գիտական ռեֆերատ՝ առնվազն 20 տպագրական էջի սահմաններում,

4) անձնագրի և սոցիալական քարտի պատճենները,

5) ինքնակենսագրություն և երեք լուսանկար (3x4 չափսի),

6) քաղվածք աշխատանքային գրքույկից (առկայության դեպքում):

2. Ստորև նշված օտար լեզուներից որևէ մեկից ստացած անհրաժեշտ նվազագույն միավոր է համարվում՝

1) անգլերենից՝ «TOEFL» (iBT) (այբիԹի)՝ 46 և «IELTS» (ԱՅԼԹՍ)՝ 5.5 միավորը,

2) ֆրանսերենից՝ «TCF» (ԹԻՍԻՖ)՝ 200 միավորը,

3) գերմաներենից՝ «on DaF» (օն ԴաՖ)՝ 60 միավորը:

Փաստաթղթերն ընդունվում են ս.թ. օգոստոսի 22-ից մինչև սեպտեմբերի 07-ը (ներառյալ):

Ընդունելության մասնագիտական քննությունները կազմակերպվում են ս.թ. սեպտեմբերի 11-ից 14-ը (ներառյալ):

Տեղեկությունների համար դիմել հետևյալ հասցեով՝ Երևան, Տիգրան Մեծի 17, 2-րդ հարկ, Գիտահետազոտական կենտրոն, հեռ.՝ 59-70-29: